



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 157. Alia ejusdem Papæ ad omnes fideles contra Amadæum Antipapam

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

prima Martii. In ea Regem de electione sua certiore factum hortatur, ut *solennes in Regno suo supplicationes fieri juberet, simulque precibus omnium fidelium Altissimo supplicaretur, ut ipsi gratia sua assistat, & dirigat actus ejus, ut possit con-* *Sæcul. XV. A. C. 1447.*
digne regere Ecclesiam, & ea agere, quæ spectant ad salutem fidelium, extirpationem hæresis, pacem populi Christiani, & infidelium oppressionem, Pollicetur ex parte sua, reducere Cameram Apostolicam ad antiquos, & laudabiles mores, ac omnia agere, quæ spectant ad honorem, & statum Regis, & Regni, & complacentiam votorum suorum. *Conc. gener. Labbei tom. 13. p. 1321.*

§. CLVII.

Alia ejusdem Pontificis epistola ad omnes Fideles adversus Amadæum.

Idem quoque Papa in forma cujusdam Bullæ aliam dedit epistolam ad omnes Christi Fideles, quæ tamen nonnisi duodecima Decembris scripta legitur. In ea Amadæum appellat *fautorem & iniquitatis alumnum, dicitque, ne ejusdem fautorum atque sequacium invalescente malitia furor hujus tempestatis invalescat, & ad similia animos aliorum inducat, præsertim in Regno Franciæ, cui vicina Sabaudia est & proxima, auctoritate Apostolica Amadæo Ducatum Sabaudicæ omnemque hujus notorii schismatici, hæretici, excommunicati, &* *Ibid. p. 1322.*

Sæcul. XV.
A. C. 1447.
*anathematizati terram confiscamus, atque
confiscata Carolo Galliarum Regi vel ejus-
dem Delphino primogenito Filio donamus.*
Postea cunctos adhortatur fideles, ut cum
Rege aut Delphino contra Amadæum & se-
quaces procedant, utque universi eo libentius,
& animosius ad id currant, omnibus, qui
in propriis personis, propriisque expensis
processerint, plenam suorum peccatorum ve-
niam indulget. Nihilominus hæc Bulla
Amadæo nec profuit, nec obfuit; Rex
enim mediis nonnihil mitioribus, minus-
que violentis utendum ratus, Anno se-
quenti hanc in rem Lugdunensem coe-
git conventum.

§. CLVIII.

*Pontificis sollicitudo Alphonsum &
Mediolanensem Ducem cum Floren-
tinis conciliandi.*

Quo tempore Eugenius fatis cesserat,
Alphonsus Arragoniæ & Siciliæ
Rex Tibur, propinqua Romæ civitate,
morabatur, anceps animi, retrone cede-
ret, an Florentinos bello persequeretur,
quemadmodum antea cum eodem
Pontifice defuncto, & Duce Mediola-
nensi conventum fuerat. Ast Nicolaus
quietis amans, pacem bello longe
præferendam ratus, Cardinalem tit. S.
Praxedis Ferrariam misit, ut illius con-
filio,